

- 100 Pacificoque<sup>1)</sup> patre natus tum rite potente<sup>2)</sup>,  
 Quem genuit mater perfelix nempe<sup>3)</sup> Beatrix.  
 Primus Adalbero clarus, sed clarior iste,  
 Ipse prior carus, sed carior iste secundus.  
 Lex Moyse cepit<sup>4)</sup>, Daudid<sup>5)</sup> iam tempore creuit:  
 105 Primum cenobica fundata est regula Mettim,  
 Hic dilatauit monachos<sup>6)</sup> et predia misit,  
 Educat ut pastor conseruans<sup>7)</sup> atque gubernans<sup>8)</sup>.  
 Quippe pium patris monstrans cum matris amore  
 Diligit isque pios<sup>9)</sup> dure frangitque superbos.  
 110 Iste uirum sobrium Fingenum namque uocauit,  
 Qui fuit excellens meritis animique<sup>10)</sup> uirilis,  
 Presbiter eximius, Scottorum semine cretus,  
 Kadroe consimilis, actis ac moribus equus,  
 Prudens ac iustus, necnon et<sup>11)</sup> corpore castus.  
 115 Hicque locum sancti construxit Symphoriani<sup>12)</sup>,  
 Atque gregem Christi lucratus pastor et abbas  
 Adsciuit socios monachos tunc ac peregrinos.  
 Presul Adalbero Fingueno contulit ipse  
 Namque locum dictum firmatum duplici carta:  
 120 Primam nam<sup>13)</sup> cartam firmauit papa Iohannes,  
 Rex magnus Otto dictauit et ipse secundam.

---

1) 'Pacificusque' Hs. 2) nämlich den Grafen Friedrich. 3) 'nemphe' Hs. 4) 'uepit' verb. in 'cepit' Hs. 5) 'dā' Hs. 6) 'manachos' verb. in 'monachos' Hs. 7) 'conseruas' Hs. 8) 'gudcēs' Hs. 9) 'pies' verb. in 'pios' Hs. 10) 'animisque' Hs. 11) 'nec et' Hs. 12) 'symphoani' verb. in 'symphoriani' Hs. 13) 'nam' übergeschrieben.

---